



Bases reguladoras de bolsas a deportistas individuais do Consello Municipal de Deportes

Artigo 1.- *Obxecto e importes*

1. É obxecto da presente resolución establecer as bases reguladoras que rexerán a convocatorias de bolsas para a mellora e perfeccionamento de deportistas que destaquen, na súa participación en competicións oficiais de carácter individual nas distintas modalidades deportivas recoñecidas, durante a tempada ou anualidade de convocatoria, e cumpran os requirimentos e obrigas impostos nas presentes bases.
Non se considerarán participacións individuais: relevos, participación por equipos/seleccións, nin probas coordinadas ou sincronizadas nas que actúen simultaneamente máis de un integrante do mesmo equipo.
2. As axudas serán de dous tipos e contías máximas:

De iniciación: destinadas a deportistas menores de 18 anos (incluídos), cuxa contía máxima será de 1.200€
De cualificación: destinadas a deportistas que presenten unha traxectoria deportiva relevante, cuxa contía máxima será de 1.400€.
3. A nivel individual poderanse adxudicar bolsas de diferente contía en atención a proporcionalidade dos méritos avaliados, sen que se poidan superar as contías máximas do apartado anterior.

Artigo 2.- *Financiamento e dotación orzamentaria*

O importe máximo das bolsas, as que se refiren estas Bases reguladoras, estará limitado ao crédito máximo dispoñible na aplicación orzamentaria 341.480.10 dos Orzamentos do C.M.D para cada exercicio económico.

Artigo 3.- *Convocatoria anual*

A Convocatoria anual establecerá o importe para cada exercicio. Importe que poderá ser ampliado no caso de existencia de crédito na aplicación orzamentaria no momento da resolución sen que esta circunstancia dea lugar á apertura dun novo prazo de presentación de solicitudes.

A Convocatoria anual poderá tramitarse mediante expediente anticipado de gasto con base na normativa orzamentaria, polo que a concesión das correspondentes



axudas quedará sometida, en todo caso, á condición suspensiva da existencia de crédito axeitado e suficiente no orzamento do Concello Municipal de Deportes no momento de acordar as respectivas resolucións concedentes.

Artigo 4.- *Beneficiarios e requirimentos para a obtención de bolsas*

Poderán beneficiarse das bolsas previstas nestas Bases reguladoras os deportistas que reúnan os seguintes requirimentos:

1. Estar inscrito no Padrón municipal do Concello de Ourense.
2. Dispoñer de licenza en vigor por algunha Federación Deportiva Galega, con un ano, como mínimo, de antigüidade. No caso de modalidades deportivas non integradas en federacións deportivas galegas, será considerada a licenza estatal.
3. Non estar cumprindo sanción firme por infracción disciplinaria ou administrativa en materia deportiva, cualificada como grave ou moi grave.
4. Non estar incurso en causa de exclusión ou prohibición das contempladas no artigo 13.2 e 3 da Lei 38/2003, de 17 de novembro, Xeral de Subvencións e 10.2 e 3 da Lei 9/2007, do 13 de xuño, de subvencións de Galicia.
5. Manter os anteriores requirimentos canto menos ata a data da xustificación da bolsa.
6. Para ser beneficiario das Bolsas de cualificación, o deportista debe presentar resultados avaliados en probas de nivel estatal ou superior e unha traxectoria deportiva mínima de 5 anos, sen contar o ano obxecto da presente convocatoria.

Artigo 5.- *Procedemento de concesión, órgano de instrución, Comisión de Avaliación e resolución*

1. A concesión das bolsas realizarase polo sistema de concorrencia competitiva.
2. O órgano encargado da instrución do procedemento será a Xerencia do C.M.D que acordará tódalas actuacións necesarias para a determinación, coñecemento e comprobación de datos en virtude dos cales debe pronunciarse a resolución.



3. Todas as notificacións derivadas das actuacións de instrución realizaranse a través da localización web e taboleiro de anuncios do CMD.
4. Mediante resolución da Presidencia do CMD farase pública na localización web e taboleiro de anuncios do CMD a relación provisional das solicitudes presentadas, admitidas e excluídas, con expresión da causa de exclusión e necesidade de emenda no prazo de dez días desde o seguinte a publicación. En caso de non emendar a causa de exclusión terase por desistida a solicitude.
5. Transcorrido os prazo de emenda farase pública polos mesmos medios a relación definitiva de admitidos e de excluídos.
6. A Xerencia, como órgano instructor, elaborará un informe previo sobre as solicitudes admitidas que se trasladarán a Comisión de Avaliación.
7. A Comisión de Avaliación estará integrada polos seguintes membros:

Presidente: o do CMD ou persoa en que delegue.

Secretario: o Administrador do CMD do CMD ou persoa en quen delegue.

Vogais: o interventor do Concello de Ourense ou persoa en quen delegue e o/a Secretario/a do CMD ou persoa en quen delegue.

Poderanse nomear asesores da Comisión.

8. Á vista da proposta de resolución formulada pola Comisión de Avaliación o Concello Reitor ditará resolución comprensiva dos seguintes extremos:

Relación de solicitantes aos que se lle concede bolsa.

Contía concedida.

Mención expresa de que as restantes solicitudes entenderanse desestimadas.

Recursos que poderanse interpoñer contra a mesma e prazo de presentación destes.

Calquera outras condicións particulares que deba cumprir o beneficiario.

A publicación na localización web e no taboleiro de anuncios do CMD substituirá a notificación persoal e surtirá os mesmos efectos segundo a Lei 30/1992.



Artigo 6.- Solicitudes e documentación

1. As solicitudes presentaranse, no prazo de dous (2) meses a contar desde o día seguinte ao da publicación da convocatoria no Boletín Oficial da Provincia, no Rexistro do Consello Municipal de Deportes, Avda. Pardo de Cela núm. 2 en impreso normalizado que se facilitará nas dependencias administrativas do CMD.
2. Así mesmo, o impreso normalizado de solicitude, atoparase a disposición dos interesados na localización web do Consello Municipal de Deportes.
3. Os interesados deberán xuntar coa solicitude a seguinte documentación:
 1. Certificado de empadramento no Concello de Ourense.
 2. Fotocopia compulsada do documento nacional de identidade ou do pasaporte, en caso de cidadáns de países da Unión Europea, ou da tarxeta de residente en vigor, en caso de outras nacionalidades.
 3. Fotocopia compulsada da licenza deportiva en vigor.
 4. No caso dos menores de idade, ademais da fotocopia do seu D.N.I, xuntarase o do pai, o da nai ou do titor, así como fotocopia compulsada do libro de familia.
 5. Certificado da Federación no que acredite que o solicitante non está cumprido sanción firme por infracción disciplinaria ou administrativa en materia deportiva, cualificada como grave ou moi grave.
 6. Certificado médico e informe da Federación correspondente, nos casos en que o deportista solicitante non puidese participar en competición, durante a tempada subvencionada, por causa dunha lesión.
 7. Certificado da Federación Española ou da Federación Galega indicando os seis mellores resultados, por postos clasificatorios finais, da anualidade anterior á data obxecto da convocatoria, en competicións de carácter oficial, especificando categoría, posto e participación individual. De nomear máis de seis resultados, o solicitante deberá sinalar os seis resultados que escolla para a baremación. En suposto de lesión certificaranse os últimos seis mellores resultados da tempada previa á lesión.
En ningún caso se terán en conta xornadas ou competicións de carácter provincial, ligas locais ou competicións escolares.



8. Declaración responsable do solicitante ou do seu representante legal de non estar incurso en algunha das causas de exclusión ou prohibición das contempladas no artigo 13.2 e 3 da Lei 38/2003, de 17 de novembro, Xeral de Subvencións e 10.2 e 3 da Lei 9/2007, do 13 de xuño, de subvencións de Galicia.
9. Declaración responsable do solicitante ou do seu representante legal sobre a obtención de outras subvencións ou axudas.
10. Copia autenticada da declaración de deportista de alto rendemento emitida pola Xunta de Galicia, no caso de acreditarlo como mérito.
11. No caso de presentar como mérito a traxectoria deportiva, adxuntarase certificado federativo da traxectoria deportiva persoal.

Non será necesario aportar a documentación que xa se atope en poder da Administración actuante, nos termos previstos polo artigo 25.f da Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común.

A presentación da solicitude conleva autorización implícita ao CMD para tratar a información persoal e deportiva nas diferentes fases de tramitación.

Artigo 7.- Prazo de resolución

O prazo máximo para a resolución das convocatorias será de tres meses a contar desde o día seguinte ao remate do trámite de presentación de solicitudes. O vencemento do prazo máximo sen que sexa publicada a resolución lexítima aos interesados para entender desestimada a solicitude por silencio administrativo.

Dita resolución porá fin a vía administrativa, e contra a mesma poderase interpoñer con carácter potestativo, recurso de reposición no prazo dun mes de conformidade co disposto nos artigos 116 e 117 da Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común, ou recurso Contencioso-Administrativo no prazo de dous meses contados desde o día seguinte ao da súa notificación conforme ao disposto no art. 46.1 da Lei 29/1998, de 13 de xullo, reguladora da xurisdición Contencioso-Administrativa.

Artigo 8.- Valoración das solicitudes

A orde de prelación establecerase aplicando a táboa de baremación (Anexo I) ao seis mellores resultados, segundo postos de clasificación final, acadados polos



solicitantes nos períodos de cómputo determinados no art. 6.3.7 das presentes Bases.

As convocatorias anuais poderán establecer un mínimo de puntuación a acadar no proceso de valoración, en función do tipo de axuda, para ser adxudicatarios de Bolsa.

Artigo 9.- Obrigas dos beneficiario.

Os beneficiarios destas bolsas estarán obrigados a:

Manterse de alta na federación correspondente durante o ano natural a que se refira a convocatoria pola que se lle concedeu a axuda.

Comunicar ao CMD a obtención de calquera axuda ou subvención de calquera administracións ou entidades públicas, con indicación expresa da súa contía.

Dar axeitada publicidade do carácter publico do financiamento das actividades obxecto de bolsa, conforme aos artigos 1.1) e 18.4 da Lei 38/2003, xeral de subvencións.

Someterse as correspondentes actuacións de comprobación por parte de CMD, que poderá realizar o seguimento e o control da súa actividade deportiva e a aplicación e destino dos fondos, en todo caso, ao control da actividade económica financeira que corresponde.

Colaborar co CMD na promoción de actos e eventos deportivos organizados pola administración municipal.

Para a realización de ditas actuacións debera facilitar tanta información lle sexa requirida polo organismo anteriormente citado.

A percepción destas bolsas atopase suxeita á Lei do Imposto sobre a Renda das Persoas Físicas, sen que se atope en suposto de exención.

Artigo 10.- Modificación ou revogación das bolsas

1. Calquera alteración das condicións tidas en conta para a concesión e en todo caso, a obtención concorrente de subvencións e axudas concedidas por calquera entidade pública, nacional ou internacional, poderá dar lugar a modificación da bolsa outorgada, por iso, calquera alteración dos datos ou condicións facilitados polos interesados para a tramitación das bolsas, deberá



ser comunicada ao CMD por se puidese dar lugar á modificación da axuda concedida. A efectos de estimar a gradación dos incumprimentos utilizaranse as desviacións detectadas nos parámetros de valoración.

2. Serán causa de revogación da bolsa concedida, procedéndose ao reintegro das cantidades percibidas e a esixencia de xuros de demora:

Os supostos contemplados no artigo 37 da lei 38/2003, xeral de subvencións e 33 da Lei 9/2007 de subvencións de Galicia.

A emisión de certificación desfavorable por parte da Federación a que pertence o beneficiario, en relación coas circunstancias contempladas no art. 9 destas Bases.

A obtención da bolsa sen reunir as condicións requiridas.

O incumprimento da finalidade para a que a bolsa foi concedida.

O incumprimento das obrigas e condicións impostas aos beneficiarios con motivo da concesión da bolsa.

A negativa ou obstrución ao control que se establece nas presentes Bases reguladoras.

Artigo 11.- Xustificación e pagamento

O pagamento da bolsa concedida tramitarase previa presentación, no prazo máximo de tres meses a contar desde a notificación da resolución de concesión, dun certificado da Federación correspondente, individualizado para cada beneficiario adscrito a mesma, no que conste que desde a concesión da bolsa, déronse as seguintes condicións:

1. Que o beneficiario mantívose en alta na Federación.
2. Que seguiu desenvolvendo a súa actividade ao nivel que lle fixo merecedor da mesma.
3. Que, de acordo coa normativa federativa, atópase habilitado para representar a Federación Galega en competicións oficiais. No caso de modalidades deportivas non integradas en federacións deportivas galegas, será considerada a representación estatal.



No caso de que a actividade, pola que se concede a bolsa, ademais fose financiada con outras subvencións ou recursos públicos, o interesado deberá acreditar o seu importe e procedencia.

Artigo 12.- *Compatibilidade con outras axudas e subvencións.*

As bolsas reguladas na presente Acordo son compatibles con calquera outra que poda recibir o beneficiario de calquera entidade pública, por calquera concepto.

Artigo 13.- *Infraccións*

Considéranse infraccións administrativas as que sexan de aplicación dos títulos IV da Lei 38/2003, xeral de subvencións e 9/2007 de subvencións de Galicia.

Disposicións finais

Primeira.- *Habilitación*

Facultase á Presidencia do CMD para ditar as resolucións e instrucións que sexan necesarias para a execución do disposto no presente Acordo.

Segunda.- *Supletoriedade*

En todo o non previsto no presente Acordo aplicarase a Lei 38/2003, de 17 de novembro, xeral de subvencións, en todo aquilo que constituía lexislación básica conforme a súa disposición final primeira, e a Lei 9/2007, de 13 de xuño de subvencións de Galicia.

Terceira.- *Entrada en vigor*

Estas Bases reguladoras entrarán en vigor o día seguinte da súa publicación no BOP, permanecendo vixentes ata a súa modificación ou derogación.



ANEXO I TÁBOA DE BAREMACIÓN

PUESTO	CAMP. MUNDO - OLIMPIADAS	CAMPEONATO DE EUROPA	CAMPEONATO DE ESPAÑA	PROBAS ESTATAIS OU INTERNACIONAIS	CAMPEONATO GALEGO
1º	20	15	5	5	2,5
2º	19	14	4,5	4,5	2,25
3º	18	13	4	4	2
4º	17	12	3,5	3,5	1,75
5º	16	11	3	3	1,5
6º	15	10	2,5	2,5	1,25
7º	14	9	2	2	1
8º	13	8	1,5	1,5	0,75
9º	12	7	1	1	0,5
10º	11	6	0,5	0,5	0,25
11º	10	5			
12º	9	4			
13º	8	3			
14º	7	2			
15º	6	1			
16º	5				
17º	4				
18º	3				
19º	2				
20º	1				
PARTICIPACIÓN	5	3	1		
CLUB	OUR. 3 PTS	AUT. 2 PTS	ESTATAL 1 PTS		
HISTORIAL DEP	ENTRE 3-0 PTS				
NIVEL DIFICULTAD	ENTRE 3-0 PTS				
DEP. ALTO NIVEL	3 PTS				
PROBAS ABSOLUTAS	MULTIPLICARASE POR FACTOR CORRECTOR *1,25				

1º.- As probas computables deben ter carácter oficial.

2º.- En caso de lesión compútase as clasificacións da tempada precedente á lesión.

3º.- O criterio correspondente a dificultade da modalidade deportiva estará influenciado polo número de participantes/licencias e o nivel de competencia das diversas competicións:

Deporte	Puntuación
Natación, Atletismo, Judo, Tenis e Kárate	3 puntos
Ximnasia, Natación Sincronizada, Patinaxe, Taekwondo, Wushu, Kungfu, Xadrez, Triatlón e Tiro Olímpico	2 puntos
Outros deportes	1 punto

4º.- En caso de empate acudirase a menor idade dos beneficiarios.

5º.- A puntuación do posto, nas probas absolutas, multiplicarase polo factor corrector 1,25.